



于野集卷七

青浦王 原西亭選

新綠

徐是做



梅雨續花風。千林濕翠同。成陰雖有待。生意已無窮。色潤三春後。情深四月中。枝頭與樹底。誰憶舊時紅。

前題

趙宏烈 潤川

花事俄銷謝。清陰最可憐。平添烏鵲喜。轉覺戶庭妍。小葉初留雨。高柯別有天。誰知擁書處。長日正如年。

微雨朝來歇。柔枝午更佳。疎簾侵半捲。黝几影新
揩。得意咨諏鳥。無情詰屈蛙。浪傳螻蟻國。清夢托
高槐。

前題

姚培仁 宅安

四野陰初合。千林綠一圍。颭風猶覺嫵。着雨漸添
肥。愛對池塘小。遲驚露葉非。枝頭鶯未老。何事惜
紅稀。
掃却繁華色。濃輸別有情。鴨頭波渲染。螺子黛粧
成。漸向堦前長。遙從雲外生。摩挲欣對此。雙纈倍
分明。

前題

陸瀛萼 秋谷

陣陣紅收雨。村村綠裊煙。應輸楊氏鈿。寧費沈郎
錢。樹是弄姿日。人非塗澤年。聊憑杯泛螳。好藉草
如羶。
水色一何淡。山山亦未蒼。試看隋苑綠。猶帶漢宮
黃。羅幕新愁繞。玉階舊恨長。少遲雙翠鳥。處處結
巢將。

前題

張琳

一雨洗朝旭。簾陰忽滿堂。翠添禽語潤。紅謝草痕
香。拂石領幽意。披襟生嫩涼。陶家五楊柳。遮却舊

銀塘。

嫩葉誰裁剪。因風亂。復平妬。他僧夢綠分。我旅魂清。几席都疑染。旗槍坐可評。最憐青不了。半在夕陽明。

前題

姚培衷 均堂

一覘春光老。紅稀綠斬齊。陰連青嶂合。煙裊碧雲迷。微雨浣花節。斜陽罨畫溪。黃鸝貪密蔭。贏得盡情啼。

前題

朱霞

我愛江南景。清陰遍陌頭。花時如隔世。雨後忽遮

樓。密影憐相借。倡條憶舊遊。沾沾新燕雀。一倍逞風流。

我愛陶潛語。扶疎遶屋時。含風殊自得。非水欲成漪。通燕簾常捲。留賓簟頗宜。莫嫌桑下戀。冲淡是襟期。

前題

姚廷謙

芳林初過雨。幽意倍生妍。已看朱成碧。還欣日似年。鵝兒添毳艷。鳳子染衣鮮。忽憶攀花處。新枝更可憐。

古榦青還復。新條景更遲。老仍添雨潤。弱不受風

欺。稠疊方塘影。清揚靚女眉。攜柑誰共賞。想見聽
鷓鴣時。

前題

曹一士 諤廷

老樹發新綠。萋萋映舊林。逢時顏色換。去日露華
深。密葉遽如許。垂條方自今。葛蘿爾何物。攀附亦
成陰。

前題

朱奕

三春花事了。餘興繞芳叢。借潤初經雨。含嬌不耐
風。長亭隔煙水。斜照入簾櫳。莫待成陰日。多慚酒
盞空。

小墅清和候。微風澹蕩時。遠山眉黛淺。天水露華
滋。蛛網休教綴。蜂房一任欹。惓惓當此際。披對起
遐思。

前題

朱鎮

春風吹又歇。芳樹釀新陰。嫩借苔痕碧。輕輸草意
深。卷簾清晝坐。攜杖夕陽尋。記得揚鞭路。依依染
客襟。

几席有餘清。林稍暗復明。遠含煙冉冉。低襯水盈
盈。恐誤尋香蝶。難遮坐樹鶯。成陰看眴眼。大蔭滿
江城。

前題

何默

春事潛過矣。清陰最惘然。紅隨流水去。綠印小池圓。並坐鶯簧潤。深藏蟻國偏。舊遊重到處。搔首夕陽天。

前題

莫繩宗

花飛俄向盡。雨霽已非春。最愛扶疎樹。偏宜澹宕人。過牆頻弄影。映水欲生鱗。未覺黃鸝老。聽來語更親。

前題

周銓
緯蒼

眼前已新綠。感此落花餘。旦夕成陰滿。風光入夏初。悠悠芳草歇。寂寂野人居。且復命觴酌。槐軒讀我書。

生意如相促。敷榮日已繁。天低如可染。山遠了無痕。啼鳥不知處。行人欲問村。刺桐花落後。從此不窺園。

四月清和雨乍晴

姚培仁

霽景旋開宿雨收。濃陰似幄碧於油。引雛巢燕穿簾角。呼婦鳴鳩占樹頭。珠走荷盤新葉淨。風披竹粉綠筠浮。綠知首夏晴光好。莫惜三春挽不留。

前題

朱霞

花時久已逐泥塗。最愛風光首夏殊。片片綠雲初
過雨。重重青嶂盡堪圖。催長。莢。葉。旋。荷。葉。啼。老。鶯。
雛。又。燕。雛。千。古。池。塘。留。好。句。幾。人。能。和。謝。公。無。

前題

趙宏烈

兔目初成綠蔭肥。舊遊裙屐尚依稀。長堤過雨莎
茵潤。曲水生風縠皺微。映竹人家蠶婦語。鈎簾亭
館燕雛飛。惜惜重過南塘路。猶憶紅英亂點衣。

前題

姚翱

朝光入牖夏初新。乳燕穿簾不避人。宿雨輕霑猶
剩點。好風吹散淨無塵。胸中塊礪消磨盡。物外幽

閒仔細論。梧竹南軒堪寄傲。蕭然欣得自由身。

前題

張琳

濕雲忽喜散遙空。冲澹閒消一逕風。隔塢竹。明。全。
浣。翠。午。陰。花。重。半。垂。紅。生。衣。乍。換。秋。無。異。滑。簟。初。
陳意便融。擬踏軟泥謀小飲。村南村北有詩翁。

前題

姚廷謙

悵望春歸不可留。風光入夏更清幽。紅辭苑樹都
成夢。青。彙。江。峰。遠。入。樓。麥。隴。芒。深。微。有。浪。桑。田。陰。
薄。已。如。秋。隱。囊。紗。帽。南。牕。好。一。卷。山。經。汗。漫。遊。

前題

朱奕

淡雲烘日欲成霞。千樹濃陰翠作花。簾幙風掀歸
乳燕。池塘水漲聚鳴蛙。婢搜故篋思裁扇。僧寄頭
綱約鬪茶。一枕山牕幽意足。敢希蝶夢學南華。

前題

陸瀛萼

夏初宜雨亦宜晴。晴後風光画不成。纔洗胭脂三
徑淨。還添簾幙十分清。天邊不定峰巒勢。池上頻
聞鼓吹聲。蛛網將乾燕壘濕。北窗午夢有誰驚。

前題

何默

四月清和雨乍晴。天然圖画最分明。波平遠浦燕
雙剪。堤暗垂楊鶯一聲。處處插秧陂水暖。家家燒

繭爨煙生。却憐芳草猶堪贈。駘蕩風光別有情。

前題

曹一士

扶疎綠樹雨更好。睨眄黃鶯晴亦稀。暝日騰飛閒
蛺蝶。薰風開遍野薔薇。一畦水膩分秧罷。萬井泥
香打麥歸。節候清和最堪賞。邀人煮酒典春衣。

前題

周銓

四月清和雨乍晴。夾衣初試午風輕。放稍穉竹娟
娟淨。布葉新桐濯濯清。曲沼忽添三尺水。綠陰猶
剩一聲鶯。日長端擬江村住。相伴閒身釣與耕。

前題

陸瀛齡 景房

乍扇薰風到草堂。嫩晴天氣日方長。齊腰麥捲黃
雲澀。衛足葵擎翠蓋涼。舞蝶曝衣憐剩粉。眠蠶作
蠶喜盈筐。園丁走報抽稍竹。昨夜驚雷已過牆。

前題

劉夢金 專來

四月清和雨乍晴。郊原一望剩紅輕。蕭閒草木餘
香在。金粉山川別樣明。料理梅炎防蠹簡。商量農
事到蛙聲。紛紛簫鼓將何禱。逐隊迎神未辨名。

前題

王之醇 學舒

已燠猶寒信化工。恢台雲物乍冲融。風吹槐葉飄
殘雨。日上櫻枝掛斷虹。社燕引雛重覓壘。園鳩呼

婦未歸叢。憑誰細譜虞廷曲。一洗南山蒼蔚空。

前題

陸瀛亮 熙載

江南四月熟梅天。雲散煙消野色連。桑眼晴來還
帶濕。麥鬚雨過倍增妍。黃鸝幾度催絺綌。白鷺更
番浴水田。洛下流傳詩句好。清和風景自年年。

美人撲蝶詞

朱霞

陽春三月綠草肥。翩翩粉蝶金縷衣。穿花美人忽
相遇。忍把羅巾撲蝶歸。裝向釵頭猶閃閃。愛他輕
俊憐他艷。一朝微命空自捐。些子鉛華被人覘。蝶
兮蝶兮莫浪飛。憐愛寧知即禍機。憐汝愛汝猶汝。

侮。何。况。蜘蛛。欲。縛。汝。

前題

張琳

東風小院春深深。美人午倦行花陰。手持仙子乘鸞扇。花光灼爍烘泥金。一雙蛺蝶忽當面。翻身欲撲墜珠釧。却顧輕羅百蝶裙。飛入花深尋不見。

前題

姚廷謙

綠牕乍啟春風香。美人如花矜曉妝。一雙夢蝶初驚醒。隨風粉翅何揚揚。揚雲裾下堦閃金翠。忽舉羅巾撲教墜。是憐是妒那得知。碧玉欄邊有所思。

午日雜詠

龍舟

姚廷謙

相攜看龍舟。龍潭正瀟灑。吳兒誇水嬉。使船如使馬。舟散新月佳。人在珠簾下。

前題

張琳

綵餽投湘不復論。祇將鉦鼓些忠魂。桂旗蘭槳揚靈處。攪得魚龍水氣渾。

前題

朱霞

岸柳如幢草似煙。錦標疊鼓鬧前川。兒童奔走畫船集。不許閒鷗自在眠。

前題

徐是做

無數龍舟弄水來。繡旗蔽日鼓喧雷。都盧看罷人
皆醉。誰酹三閭酒一杯。

前題

何默

片片白鷗驚濺。聲聲画鼓殷雷。柳外珠簾齊捲笑。
看彩鷁飛來。

前題

姚培仁

画舸輕橈鬪碧波。綠楊深處雜笙歌。水嬉但博遊
人樂。誰為三閭弔汨羅。

前題

趙宏烈

画鼓虹橋外。霓旌歇浦南。自天曾顧處。猶指白龍

潭。

蒲酒

姚廷謙

今日午前盃。酩酊不須惜。縱有鬱金香。未比菖蒲
液。莫學獨醒人。聊為長醉客。

前題

張琳

祛袪全憑白玉壺。厨娘料揀進醍醐。莫教過午無
靈效。急取青蒲斫虎鬚。

前題

朱霞

新篛白酒乍開尊。搗入香蒲綠玉根。我本滄江老
漁父。醉來鼓枻復何言。

前題

細擣菖蒲浸。醑香傾玉骨。色泠泠。不辭滿飲。三蕉葉。此日人人厭。獨醒。

姚培仁

前題

綠蒲泛酒自何年。點檢方書總失傳。聞道靈根仍九節。醉來一餉亦成仙。

朱奕

前題

相攜來澤畔。九節擷靈根。縱是神仙藥。仍須酒一尊。

趙宏烈

神符

姚廷謙

何人揮霜毫。爛熳弄朱墨。画鬼與塗神。縱橫不可識。猶勝程將軍。不抵一錢值。

前題

張琳

家家鄭重送靈符。塗抹何辭衫袖烏。未免被他山鬼笑。金錢賺付酒家胡。

前題

共詫靈符正一傳。研朱塗墨費長箋。今朝世上無顛旭。散髮書成值幾錢。

前題

姚培仁

虛堂旋展午時圖。一燈高懸五色符。解識靈文題

鬼字辟邪爭得辟愁無。

前題

趙宏烈

何勞提寸管。朱墨漫塗鴉。換酒無人要。能防鬼瞰家。

画鍾馗

姚廷謙

鍾馗爾何神。落拓偏自喜。驚人雖不能。猶誇善捉鬼。俗眼不汝嫌。還因前進士。

前題

張琳

誰貌昂藏七尺身。兩回逢臘倍精神。降妖捉鬼都無準。烏帽藍衫却傍人。

前題

朱霞

靈壁朱砂七尺身。縣官鈐印欲存真。古馗未必驚今鬼。故李將軍愁殺人。

前題

趙宏烈

進士世常有。誰言爾獨神。漫從靈壁買。貌似未曾真。

前題

朱奕

斬新一色石榴紅。水墨圖來怕未工。紗帽籠頭真得意。只須啖鬼也稱雄。

前題

姚培仁

鞞烏帶革曳袍藍嚼鬼淋漓似蜜甘。格是開元傳道子。只今名姓繫終南。

前題

徐是做

門貼鍾馗在歲寒。画從端午却無端。斬新袍笏經營就。聊當今年進士看。

雄黃袋

姚廷謙

已飲雄黃液。仍作雄黃函。細綰菱鞋結。還同荳蔻含。但能牢閉口。虛實有誰探。

前題

張琳

翻新小樣製荷囊。不貯奩中百和香。收取雄黃須

緊閉。莫教放口說雌黃。

前題

朱霞

雄黃小袋蕊初苞。彩線殷勤蹙縮牢。佩得慳囊渾不解。癡兒駭女世滔滔。

前題

姚培仁

巧製滕囊蹙絳紗。夜金的鑠似丹砂。垂垂綰却同心縷。絕勝塗嬌額上誇。

前題

趙宏烈

新樣紫羅囊。菱鞋繡襖褱。家家小兒女。箇箇學塗黃。

五毒花

姚廷謙

五毒人人畏。何況兒女子。何為眾醜形。一一上簪珥。易云見惡人。此理想如此。

前題

張琳

花籠巾箱簇小街。刮絨分繭巧安排。不因故事傳荆俗。毒物何緣上髻釵。

前題

朱霞

毒不近人人自近。醜形翻得上新妝。但能自解心頭毒。是物何妨伴健娘。

前題

徐是做

釵頭花樣忽翻新。象物還看物性馴。私語從今莫予毒。五絲同伴百年身。

前題

趙宏烈

五毒人人避。今朝刺畫成。為經織手製。轉覺可憐生。

前題

何默

人間五毒爭避。方寸何由盡除。見說月中仙子靈丹也。飼蟾蜍。

前題

姚培仁

栽紅暈碧意餘閒。照眼葵榴色乍殷。檢點不煩辛

螫慮幻成盪彩壓雲鬟

前題

朱奕

五絲續命憑人說。五毒無端手自簪。為怕毒來翻戴毒。憐他終是女郎心。

望雨

徐是做

北地旱方甚。南天澤亦微。水泉隨井竭。塵土滿城飛。竹訝連旬短。苗看何日肥。龍祠有祈禱。簫鼓夜深歸。

前題

張琳

執熱精神嬾低垂。坐小軒。但看雲作態。那得雨傾

盆。田父厭高岍。奚童愁灌園。晚涼思濯足。池淺水俱渾。

前題

姚廷謙

歲歲黃梅雨。宜農不覺恩。今朝楊柳外。方厭桔槔喧。定是垂龍避。誰教石燕翻。可憐雲影薄。跂足望高原。

前題

朱奕

抱甕知無益。小園行就荒。十年徵並急。一雨望彌長。塵土此中地。水雲何處鄉。上官憫疾苦。曉騎問農桑。

前題

趙宏烈

崑岫火雲升。閑軒氣鬱蒸。高天無過鳥。陰壑想層
冰。雲脚聚還散。天心慈可憑。夜窗蕉葉響。失喜爲
宵興。

前題

朱霞

一春常苦雨。入夏竟無雲。渴訝黃梅落。陰憐翠篠
分。隴長牛任嬾。渚淺鷺空巡。縱使蒼鵝哭。青天未
必聞。

喜雨

徐是做

夜夜占箕畢。今朝雨乍零。聲拋鱗瓦脆。氣逼衆川

腥。得潤煩俱滌。貪涼醉自醒。田家方作苦。甃喜桔
槔停。

前題

張琳

才喜江雲黑。俄驚白雨來。建瓴千丈水。破柱一聲
雷。疑有河魚落。應從石燕催。老紅餘幾點。轉覺媚
花臺。

前題

姚培仁

久渴移秧雨。陰晴日夜占。陣紆初濺瓦。勢急已排
簷。舞襪千村喜。扶犁萬頃霑。涼風生簌簌。轉覺葛
衣纖。

前題

趙宏烈

未雨涼先至。濃雲集五更。遙聞崩屋勢。遽作打窗聲。不獨松筠健。旋看溝澮盈。農歌爭起處。枕簟有餘清。

前題

朱奕

膏澤人爭待。乘時鬱乍舒。翠凝千个竹。香潤一床書。未省困無粒。行看市有魚。今年得飽飯。此外豈求餘。

前題

朱霞

漸覺輕雷近。濃雲暗斗杓。涼先侵紙帳。響欲破芭

蕉。曉起神彌旺。塵煩快一消。知君新得句。着屐過溪橋。

前題

姚廷謙

月采藏今夜。雲峰暗太虛。千邨一尺雨。大有應時書。涼入紅襟燕。游蘇頰尾魚。曉來拈管處。倍愛綠天居。

錦邊蓮

陸崑曾

鈿扇相欹翠。作圍花開紅。著一絲微生。來自愛脩邊。幅靜對翻憐。尚絅衣掩映。水雲看百變。有無色相擬。全非淡粧濃抹。誰堪並。除却西施世亦稀。

碧蓮

疊前韻

輕明千瓣雪成圍。似放還含曉暈微。玉女峰頭分
黛色。麻姑池上改紅衣。貼波無影尋疑失。倚葉生
光認却非。我有濂溪愛蓮癖。遍看佳種此應稀。

紅蓮

再疊前韻

小苑浮香露氣圍。晨光旋看漏熹微。一分薄酒上
嬌面。數片晴霞生舞衣。鄂渚舊歌聞與否。昭陽新
浴是耶非。開時日日須吟對。風雨秋塘轉眼稀。

錦邊蓮

姚廷謙

芳塘靚影自生妍。幻出明粧絕可憐。碧月乍圓真

粲者。紅霞微襯轉嫣然。醉來妙眼初成纈。舞罷長
裾未逐仙。欲向朝雲寄心悵。烏絲不用染長箋。

碧蓮

疊前韻

獨許涼波發妙妍。定無塵眼解相憐。色香味外應
參取。三十六陂真渺然。水觀多生曾學佛。鴟夷一
舸逐飛仙。白描妙手如能寫。剪取吳江作素箋。

紅蓮

再疊前韻

絳雪明霞孰比妍。笑他脂粉漫爭憐。忽焉縱體愁
飛去。佇看凌波益灑然。團扇欲描秦帝女。雙星將
度鵲橋仙。何須有美方惆悵。菡萏長思續鄭箋。

錦邊蓮

張琳

玉池清淺護朱欄。宛似溪亭捲幔看。一縷霞皴秋
月淡。半規日射粉雲寒。立當水面羅裙薄。舞向風
前錦帶寬。縱有衍波箋可寫。教人何處覓邊鸞。

碧蓮

疊前韻

層城十二玉為欄。仙種分來此地看。巫峽雲深朝
乍歛。湘江水遠晝生寒。綠房顆顆珠光濕。翠葉田
田扇影寬。掃却萍根刪苻帶。分明波底浴青鸞。

紅蓮

再疊前韻

偎紅倚綠在雕欄。顰笑翻疑醉後看。曉日澄鮮初

辨。色霽霞凌亂。不知寒。吹來香氣。歎蒸淨。涵得生
機。雨露寬。我愛波光。明似鏡。一花一影。見雙鸞。

錦邊蓮

朱奕

水雲深處葉西東。太液香生笑語中。白獺為膏。雙
頰淡。玉壺盛淚。一絲紅。饒看六月。開如錦。誰照方
池色。是空憑道。西崑酬唱好。楊劉難狀。此花工。
西崑

酬唱荷花
詩甚多

碧蓮

疊前韻

一池凝碧。桂堂東。數瓣輕明。鏡檻中。夜入蟾光。冰
欲凍。朝呈卵色。日消紅。水天澹蕩。秋無際。花葉交

加翠掃空。我有寫殘螺子黛。世間画手問誰工。

紅蓮

再登前韻

灌園生計古城東。饒有荷花在此中。見少自然矜素艷。種多原不廢嬌紅。翩翩霞袖朝來舉。冉冉華燈曙後空。爛醉碧筒能幾日。欲將開謝問天工。

錦邊蓮

朱霞

開得盆荷如雪碗。輕紅一縷是誰斂。霞烘銷夏灣頭。月絲繡。昭陽浴罷。身影覺涼波微有暈。近疑嬌面欲生嗔。彩毫試寫花牋句。第一先酬淡蕩人。

驅蚊歌

姚廷謙

有物入我室。形體殊么麼。其名爲白鳥。徒侶何其多。江干正溽暑。火雲晚峨峨。天公從此物。飲血而婆娑。短夜不得寐。搔爬奈汝何。吾有一言明告汝。虫豸祇應甘朽腐。以我膏血肥汝身。火攻手拍汝自取。謹呼跌蕩與人爭。此計得毋太莽魯。髣髴嚶嚶若有言。物生有性豈不聞。趨炎逐嗜世盡爾。鼠能耗廩。蝨處禪。奈何。詬厲獨及我。貴人賤畜。以自尊。我聞上界有清都。紅塵不到冰雪膚。子何不佞與之俱。而但苛我奚爲乎。吾聞此言轉一笑。無以難之。姑不校。却揮羽扇。駢出帷高枕。且須謀一覺。

前題

徐是做

乾坤浩蕩何不有。生人與物周旋久。物有濕生與
化生。為害於人常八九。其間白鳥更營營。游戲廣
庭入甕牖。白晝不出暮則飛。與蚋為羣蠅作友。有
毒未試先作聲。逢人似以甘言誘。真空聚隙漸成
雷。乘間無難達左右。奮然遂為膏血謀。刺利芒錐
詎可受。救東不得并防西。瞻前安能還顧後。危坐
如陷千重圍。束身恍失孤城守。强者憤怒弱者愁。
此或焦心彼搔首。嗜膚既不擇賢愚。受害自無分
好醜。我家况近水草邊。其來如翳紛若糾。蝙蝠雖

饒官悉吞。蜘蛛即巧不盡取。重簷燎壁眾議興。未
識爾曹死誰手。我思瑣物亦天生。火攻下策忍出
口。擊之桓桓傷實多。開幃又疑情過厚。驅以葵扇
任所之。翅本善飛寧待走。深屋今宵喜廓清。滿飲
燈前一杯酒。

前題

張琳

炎蒸三伏多白鳥。細身長喙何輕蹻。畏日當空不
敢飛。潛伏渚蒲與汀草。晚蟬初歇鴉歸林。引類呼
朋集羣小。輕雷隱隱來耳邊。弱者佻。輕强者慄。蛛
絲挂一真漏萬。蝙蝠上堂莫施巧。慣爭燭影聚樓

心。閃。倏。簾。櫳。極。深。窄。微。風。露。坐。仍。不。堪。吹。毛。吮。血。
殊。未。飽。揮。之。既。去。潛。復。來。利。口。柔。聲。苦。相。勦。急。拍。
左。肩。鑽。右。胛。無。計。支。吾。空。惛。燥。露。筋。古。廟。尚。餘。炯。
桓。公。大。度。今。應。少。或。言。乃。是。巴。蛇。甲。中。虫。所。變。散。
落。人。間。恣。紛。擾。我。欲。夜。奏。白。帝。前。肯。借。涼。風。一。為。
掃。不。然。安。得。三。尺。鏌。鎗。劍。斬。蛇。絕。種。清。八。表。

前題

朱霞

江。鄉。夏。夜。多。飛。虫。誰。其。甚。者。寇。盜。同。文。身。豹。脚。傳。
兩。翼。呼。羣。聚。黨。入。吾。宮。潛。藏。白。晝。利。曠。黑。紛。紛。擾。
擾。來。無。窮。齊。聲。呼。唱。不。可。辨。先。登。早。已。集。乃。躬。裹。

綿。不。覺。針。喙。銳。濡。縷。已。入。黍。腹。紅。左。未。及。擱。右。已。
螫。何。況。倦。後。乘。朦。朧。誰。謂。么。麼。可。原。宥。啞。膚。吮。血。
恣。內。証。我。欲。飛。箋。訴。天。公。天。門。夜。閉。不。易。通。我。欲。
舉。網。命。羅。者。網。目。疎。濶。徒。張。空。我。聞。王。藍。田。拔。劍。
嗔。蒼。蠅。我。今。劍。繡。未。易。拔。微。血。不。足。膏。青。虹。又。聞。
周。仲。智。舉。燭。效。火。攻。方。當。盛。夏。長。養。節。焚。尸。未。足。
煩。祝。融。我。有。白。羽。扇。欄。栖。在。手。堪。効。功。且。復。驅。出。
簾。幙。外。蜘蛛。蜥。蜴。饑。可。充。擴。清。耳。目。得。高。枕。此。事。
會。須。待。秋。風。鳴。呼。秋。風。欲。來。尚。未。來。如。雷。之。響。何。
襲。襲。

前題

何默

江村長夏何擾擾。晝飛青蠅夜白鳥。白鳥之罪浮于蠅。蘆花豹脚誇輕矯。不徒利口善吹毛。實有銛鋒能射縞。顏陽欲下漸成雷。竟使人人不自保。麾之不去去旋來。饒腹無窮寧易飽。世間物害原無盡。陸有虎狼水蛟蜃。虎可射。蛟可斫。是物何由得盡。泯摑之以手燿。以煙豈能戒一警。百千我有蒲葵栽作扇。入手指揮氣殊健。驅出室中勝一戰。涼颼迅掃雖未能。我醉欲眠莫繾綣。

前題

趙宏烈

天生微物各有貪。自求口實從所甘。蠹惟食木蠹食葉。身所寄處味所耽。嗟爾蚊蚋是何物。六足兩翼羣飛虺。啞膚吮血不避死。雖名黍腹嘗醺酣。撲緣牛馬已可恨。跌蕩帷帳豈所堪。摑之腥汁已浣手。何況隨摑隨遭砭。吾聞仁人不私已。損已利物常忍含。我無大度如齊桓。焉能不動如痴憨。揮以羽扇暫逸去。耳邊已復聞喃喃。嗚呼驅蚊那得絕。蚊種天使若輩無多談。

小極對風雨作

朱霞

百尺風篁已出簷。水花葉亂雨難霑。雲迷遠浦帆

千疊晴露青山塏一尖。架上楞嚴時有省。牀頭周易懶頻占。極知病病人非病。剩有吟懷似未厭。一榻真同彌勒龕。由來淡泊素能甘。酒逢白墮人誰醒。花是黃連蜂亦貪。泊舫江風好看纜。濕樵山路且輕擔。可憐過眼紛紛事。戀却柯南忘海南。

前題

次韻

徐是做

把君詩卷坐南簷。珍重惟防雨點霑。氣挾九蘭浮紙背。思隨八水湧毫尖。有身自古雖為患。勿藥而今已可占。須待佳晴呼酒伴。不辭痛飲夜厭厭。懶從金地結珠龕。隨境緣同食蔗甘。影合藤蛇原

易辨。夢分蕉鹿幾曾貪。半生我已悲漂泊。一事君須力負擔。但使未除區別見。海南何必不柯南。

前題

次韻

朱奕

驚雷破曉震層簷。草樹周遭澤共霑。幸有清風蘇枕畔。誰將好句出峰尖。酒能却病常須飲。易可忘憂不用占。老去歡場同嚼蠟。竹爐土銜味應厭。歲月消磨一古龕。箇中滋味絕分甘。得閒因病。君殊樂。求助無朋我莫貪。塵世浮榮那在眼。名山大業且須擔。商量此事非迂濶。畢竟何人作指南。

空明子令詞

兆熊

六齡作擘窠書有贈

朱霞

海中蟠桃樹。還開蟠桃花。此花不易開。開則凌朝霞。吾觀空明子。磊落書五車。天故靳其施。生兒世厥家。六齡咏鳳皇。落筆揮龍蛇。驥子與袞師。驚走安足誇。先生厭講席。飄然解青緇。嘲哂天下士。嗜好同鴟鴞。生兒有如此。富貴寧可涯。先生大笑言。吾竈易跨耶。

前題

姚廷謙

我郡空明子。高文世所師。張星誰比耀。丹穴有奇兒。夢授生花筆。書成黃絹碑。六齡已如此。空羨古

人爲。

臂腕穉如許。干鈞筆獨扛。官奴殊自勝。小米故無雙。銳氣方騰上。童心已早降。蛟龍隨硯匣。風雨繞秋牕。

前題

張琳

深院濃陰正。辟炎珊瑚筆。格映疎簾。何人不羨張公子。入法三長早已兼。

墨龍天矯出。天池立橈驚。看運腕時。繭栗如拳字。如斗蜀縑那。用界烏絲。

心正應知力更道。崩雲遙掣海門秋。杜陵九歲工

援筆歛手還須讓一頭。
投老林泉足放情。寧馨置膝可憐生。玉溪有句君
休妬。雛鳳清于老鳳聲。

于野集卷七

于野集卷八

青浦王原西亭選

讀易一百韻

朱霞

我生無他好。開卷即為樂。晚悔道不聞。無異奕與
博。由來義理宗。的的有歸着。大哉義文書。周孔振
其鐸。須知一畫前。此理本昭灼。人於陰陽中。受氣
固不薄。智識一以開。耳目作媒妁。但知我有身。遂
為外物覩。芒然日奔馳。弱喪竟安泊。首出賴神靈。
手持天地鑰。七曜羅心胷。八荒無輪廓。就中有機
緘。守之不盈握。萬古用不窮。乾坤光爍爍。自從秦

火來。諸儒競揣度。譬若長夜中。而誇螢與燭。夫豈
無一得太倉之斗。其中號專門。王鄭頗卓犖。王
雜以老莊。鄭謹守繩約。巨擘傳九師。彼此有踳駁。
此外數十家。難免不知作。大儒出程朱。傳義舉大
略。煌煌後天易。生人當奉若。先天難言傳。環中絕
捫摸。我昔受此經。虔誦實驚愕。方圓與縱橫。墨白
圖磊落。法象總自然。何曾俟斤削。及觀彖象辭。殷
勤通商權。或如暗施燈。或如病進藥。或如顛與扶。
或如垢與濯。或如掖以前。或如揮使却。或如歡飲
醇。或如怒加朴。或賤之若棄。或榮之若擢。或如手

援沉。或如呼救爆。或頽醉者醒。或蹴夢者覺。或迅
雷以驚。或寒泉以淪。或紆足倒懸。或掣手探鑊。或
結為之解。或聖為之斲。或軟語綿綿。或累詞數數。
或聖躅可循。或姦首可斲。或燿如龍章。或炳如虎
趨。或豕豮其牙。或羊羸其角。或鬼嘯于幽。或狐鳴
于薄。或簠簋具陳。或戈矛忽攬。或履跡錯然。或七
鬯顯若。或宛宛婦女。或蚩蚩童弱。或患禦衣袂。或
毒生咀嚼。或豁然升天。或冥然墮壑。或亂若髮絲。
或交若酌酢。或龐龐車馬。或纍纍棺槨。或突來火
焚。或謾宜盜掠。或仇而獲成。或親而受椽。或得而

復失。或燔而仍燬。或避而已傷。或見而非惡。或如
國手醫。指下看脉絡。雖有諱病者。所見洞膈膜。或
如識路人。臨歧指南朔。雖有捷足者。豈容誤投脚。
方知至人心。萬古常焯焯。當其運用時。三才同一
錯。惟不見有身。所以妙斟酌。世皆具聖胎。殺錮由
俗學。連山與歸藏。聖聖契真漠。苟無大人者。孰窺
其垠鄂。一流為緯書。遺編如乾鑿。坐井詫大觀。隅
見自纏縛。他如京管流。事應雖明確。致遠實恐泥。
達者姑度閣。一流道家言。坎離配橐籥。盜氣天地
間。精神逞磅礴。輕舉出埃塵。此事豈荒逸。異稟由

夙成。頑質謝雕琢。我慕康節翁。觀物見何卓。大小
致本齊。古今情豈各。縱覽皇極篇。宇宙渺一勺。閒
氣半點無。鳶魚自飛躍。小車何徜徉。看花意綽綽。
生薑樹上生。笑口為一曝。以此妙心眼。庶可窮鈎
索。靜觀皆困微。愚者等糟粕。龍興而致雲。蟬蛻棄
其殼。蟻無目而行。蛇無足而踞。籀文亦彷彿。禹步
誰傳鶴。相鼠既知禮。遊魚亦知樂。血脉行江河。骨
骼峙山嶽。毛髮森草樹。唾涕散雨露。靜思貞一原。
在在見河洛。凡諸卦爻辭。緊豈侈奧博。登高而疾
呼。憂憫非戲謔。奈何嗜慾深。竟使天機鑠。臭腐掩

神奇寶珠沉泥濁。時或一灑然。能免隔日瘡。秋風
漸作涼。炎暑退。燠燠井梧葉。漸黃籬豆花。舒萼追
維已往事。昔夢真堪噩。補過矢自今。流光隙中駱。
鐘鼎與山林。均非久栖托。所願掃一庵。翛然養寂
寞。先天與後天。斯事共披剥。三生任逞來。萬事等
龍蠖。一編非陳言。此焉得晚獲。

秋夜檢閱舊稿憶數年前與唐澄之同客熱

河感賦百韻寄之

徐是做

鎮日風如剪。漫空雨似絲。頓縈愁處景。細引醉邊
思。蛩語當堦咽。鴻飛入望遲。隣機鳴曲巷。戍柝擊

通達。不寐心常耿。無聊力轉疲。消磨申旦燭。檢點
半生詩。開篋俄相對。迴腸只獨知。試看傳苦調。絕
異騁浮辭。歲月驚猶昨。交遊儼在茲。事俱歸夢幻。
物必感榮萎。堪笑迂疎質。偏多漂泊期。廿年違井
里。雙鬢老天涯。未跨揚州鶴。先轟薦福碑。黃楊真
厄閏。白璧慣遭疑。綆乏千尋援。功惟一篲虧。陳蕃
寧設榻。袁粲却披帷。忽動依劉想。欣逢賦雪時。分
曹纔授簡。前席漫揜卮。私顧長裾影。徒標太古姿。
况緣久留滯。復促効驅馳。驛道黃沙軟。邊墻碧草
靡。戴星忙按轡。犯暑怯乘標。已分供人役。胡由俾

我祇襤褸衣百結。不于足重胝。實幸忘形友。偕行
彼路岐。固窮欽傲骨。抱朴奉良規。心地明於鏡。詞
鋒利若錐。學韓哀二鳥。慕柳罵三尸。才溢平原海。
胸涵叔度陂。會當追靖節。直欲鄙天隨。懶夙侔中
散。狂應繼牧皮。醉鄉摧勁敵。文陣顯雄師。琴乃匆
匆破。珠還草草遺。偶爲朱邛客。亦到白雲陲。橫渡
恒濡足。立高數展眉。但教杯入手。遑念濕侵脾。落
落探幽遠。翩翩發興奇。經過鄒衍谷。憑弔令公祠。
出塞氛埃暗。貪程面目黧。鞭揮鞍子嶺。珮濯熱河
濬。徧歷津梁險。毋嫌跋涉危。憇裝臨板屋。遷坐傍

榛籬。眄眈仙丘麗。徜徉官道夷。浮蹤棲易定。聚首
意難離。節值歎蒸候。陰迷苞櫟枝。松棚隨例結。布
帳效輦施。伏枕琵琶沸。挑燈鼓角悲。懸厓晨遇虎。
僻徑晝聞鷗。寂愛披襟眺。兼同策杖嬉。泉溫翻厚
澤。城迥閃晴曦。扈蹕皆朝士。連營悉健兒。土風殊
大漠。流冗半臨淄。市上屠酤雜。灘頭畜牧滋。樵漁
趨小利。商賈擅高貲。曠野饒禾黍。荒岩長蒺藜。溝
存獅子迹。廟矗岳王旗。頑石稱羅漢。孤峰號磬椎。
葦花飄浩蕩。楓葉墜參差。計日金蓮放。迎涼羨瓠
垂。夜光攢朽木。朔氣覆枯髀。戲蝶呈妖艷。雛禽煥

羽儀鍾靈良有自。發秀盡如斯。爾我馳名勝。輪蹄
被繫維。跡從塵外寄。禪向靜餘窺。本愧鯤鵬運。奚
招鷓雀嗤。行藏休執滯。墳典互參禪。排悶十千酒。
消閒三百碁。絃歌緩緩。劍舞舞傲傲。習射彎弧
滿。衝波倚棹欹。情諧泯彼此。聲應忝墳箴。是歲予
多病。經旬力強支。填膺惟懍懍。觸口即噫嘻。撩亂
花生睫。零星粟起肌。圍爐烹蟹眼。隱几擁駝尼。縱
近膏肓疾。誰延盧扁醫。添年媚司命。逐癘仗蒙俱。
潦倒曾何恃。倉皇靡不為。途窮爭致誚。術短百相
欺。所賴承顏色。真堪慰渴飢。勗哉誠懇懇。展也直

惇。惇上藥催朝飲。香粳佐晚炊。偷閑旋作達。積損
豈成衰。北望雲初凍。南歸車載脂。可憐事征邁。幾
度易裘絺。倦翮翹深樹。游魚返故池。僅尋貧處樂。
那顧老來羸。得失渾忘馬。升沉莫問龜。洵能資友
益。底用合時宜。駒隙繁華改。龍躔星斗移。索居殊
久矣。憶舊正凄其。詎料楚音至。重將噩夢咨。狂飈
倏爾息。宿霧廓然吹。簷待踟躕燕。林喧睨睨鷗。共
攀桃灼灼。更喜竹猗猗。以後鄉城阻。曾無書札貽。
蒼蒼葭際露。渺渺水中坻。撫景萼香未。懷人室遠
而。言愁伸側理。寫抱倩隄糜。往局成回首。新篇出

撚髭敢摹長慶體。隔浦寄澄之。

讀東坡詩一百韻

姚廷謙

風雅千年事。由來壇坫殊。相師從所好。異派各分趨。鉅手論前代。眉山得大蘇。百川爭赴壑。萬象悉歸爐。自昔騷人裔。原隨浩氣俱。龍章寧可掩。鳳質豈能笈。漢魏胚胎遠。曹劉格調孤。江山六朝麗。散轍幾人扶。陶謝留鴻響。駑駘見驥跣。其餘皆鄭衛。那復奏黃虞。運轉開元世。人懷大雅徒。光芒驚李杜。文采耀苞符。憂患嘗皆遍。飛揚氣不渝。元和稱具體。韓白更殊途。作者皆英傑。紛然競揣摩。姱容

勞粉黛。酒味失醍醐。五季摧頽甚。中原律呂麗。起衰應有數。毓秀豈曾拘。不有滄溟滙。寧知衆壑輸。蜀川何僻遠。壁宿下寰區。盡畀雙江錦。難窮萬斛珠。通流資巨掌。切玉有錕鍔。始信傾城豔。寧論出幄嫖。萎華辭舊雨。瑤草長新莠。束髮登三館。蜚聲徹四隅。羣公爭拂拭。時輩劇睢盱。筆奪星雲爛。才梁棟須方傳董子萊。已議賈生迂。乞外常逸之官澤更敷。長堤障盪激。靈雨遍沾濡。帝欲吟哦長。時傳骨相癯。腰金列郡守。識字一畊夫。淡蕩黃樓月。蒼茫赤壁圖。烏常防弋射。魚欲忘江湖。垂老

仍朱袂歸朝已白鬚。龍茶頒內賜。蓮燭照天衢。浙
右重麾去。湖邊散髮娛。寧思依紫闥。復起奉青蒲。
甫跋尚書履。還投鈎黨孥。遽年行欲化。墨突幾曾
污。惶恐灘愁度。羅浮日向晡。可憐鶴峰築。復上嶺
南桴。稽古君臣際。恒遭切直誅。如公深契合。列聖
久嗟吁。法變熙寧世。朝惟安石諛。喧囂條例使。擦
切孔桑誣。不使鹿爲馬。焉能紫奪朱。眼釘如欲拔。
腹劔豈難誣。若論詞章體。奚嘗諷諫母。言之宜款
款。聽者必瞿瞿。豈意僉人險。深憂密網逋。從茲加
搏擊。方可次肌膚。鈔語皆成案。危機巧伏孤。創深

誠可畏。辭服竟何辜。黃卷無如律。兒童半在闍。直
根龍犯蟄。曲譜鳳將雛。白屋懸如磬。青苗酷比菟。
五更鐘急打。一覺睡頻呼。良友規方驗。織兒計亦
紆。徽音猶在耳。社飯憶分盂。挺險雲山鹿。驚魂御
史烏。淒涼對君父。幻影視妻孥。虎豹威能啄。豚魚
信可孚。爪牙方匝匝。暇豫自吾吾。章呂今何有。龍
逢足並驅。千秋論出處。孰敢議叔瑜。四海賢賓從
同胞。快友于。迴翔皆犖确。音問各模糊。夙世維摩
佛。茲生狂狷儒。未能忘法喜。不是佞浮屠。楚老尋
遊共。邨叟嘆夢徂。插花聊爛熳。着屐任椰揄。作伴

床頭易時懸梁上蛛。客來思舉網。身到一提壺。書
探鍾王髓。目輕顏柳郭。玉肌肥可愛。鐵幹老難摹。
醉發龍蛇勢。豪將竹石塗。峻嶒露芒角。風雨集須
臾。分此誠難矣。兼之有是夫。豈惟藝絕品。直是道
能腴。染指思嘗鼎。飢腸想遇脯。全編欣涉獵。隻字
儘唵喁。邊幅陋王孟。酸寒笑孟盧。次山應愧漫。柳
子未能愚。廣樂驚飛泳。仙庖絕豢芻。三千風月界。
百億化人軀。歐宋避頭地。秦黃怯茗邾。後來如范
陸。孰敢一闕闢。昔在嘉隆際。爭揚王李稭。非因具
眼出。能識此髯無。箋註誠非易。淺深隨所斟。勞心

相綴補。好事絕勤劬。搜索求全豹。荒唐迹大巫。幾
家得皮骨。空想見根株。汲古綆慙短。窺籥力更孺。
波瀾看溟渤。虫篆漫雕鏤。有客團車蓋。開軒惜隙
駒。霏霏開老桂。颯颯響高梧。癖嗜寧辭蠹。繁音悉
覆瓿。鼓旗誰大手。應此作鐔鈇。

西湖感舊一百韻

張琳

我本越中士。逢人話故鄉。里居吳嶠側。家近聖湖
傍。往蹟猶堪數。佳時詎易忘。偶然成撥觸。念此輒
飛揚。一水涵空碧。群巒挹翠蒼。射潮傳武肅。鞭石
想秦皇。勾踐去已遠。西施名尚芳。風流連越絕。佳

麗占錢塘。夙昔兒童歲。趨聞伯父行。起家自南渡。
秉節耀東方。虎氣能扶日。龍精慣射芒。五峰曾侍
席。四益舊名堂。道晰河圖奧。聲垂翰墨長。至今臨
水興。猶指讀書牀。遺像凋風燼。荒基剩繚牆。依然
綿俎豆。曾未冷縑緗。失學慙余嬾。嬉遊悞每將。縱
無青玉案。不少紫羅囊。夜雨留賓醉。天晴出郭忙。
奔騰調馬地。撲擲打球場。轡欲聯騏驥。簫思引鳳
凰。二三遊冶子。十五狹斜倡。蘭槩迎桃葉。花谿訪
秦娘。送鈎春酒暖。傳語口脂香。影落憑魚檻。心甜
愛蜜房。無端情脉脉。那解意。悵悵。最喜逢春令。風

光值霽暘。何堤不綺樹。到處有垂楊。共指棲霞嶺。
休誇碎錦坊。香車聽軋輓。酒旆看飄颺。捷足常嫌
後。遨頭恐未遑。風和勺蜨板。日煖碎鶯簧。遊騎都
忘邁。行人醉欲僵。小籃挑薺菜。太擔壓錫饴。排岸
家家市。衝波點點航。詩懷蘇玉局。畫少顧長康。忽
忽驚柔綠。村村喚采桑。蓬門絕來往。蠶箔愛溫涼。
浴繭波光白。縑絲練影彰。千箱供黼黻。萬國達舳
艎。豈異勤耕作。還同祝歲穰。應時來賈客。長夏憇
僧廊。密樹依高蔭。絺衣挂短桁。青菱溪畔采。紫李
寺門嘗。疊雪盈深籠。連雲矗峭檣。行時還躑躅。去

後定徬徨。已覺涼颼動。梧桐葉漸黃。最憐秋氣肅。
葭莢露初灑。樹樹粘雲絮。峰峰列劔鉞。荷雕愁翠
羽。香冷墜紅裳。乘興遊宜數。探幽景最良。振衣吹
習習。卓杖響琅琅。金粟巖前樹。銀蟾月下觴。放懷
忘偏仄。得句細評量。地煖黃花早。天高白鴈翔。雲
飛兼木葉。霞卷類瀟湘。把釣臨深渚。通樵出遠岡。
素娥方耐冷。青女乍司霜。水落多魚蟹。田肥足稻
粱。搗橙調玉膾。蒸秫瀉瓊漿。草沒蘇姬墓。梅開處
士莊。自然矜素艷。誰不費端相。未用枹催羯。休教
笛弄羌。香拈天女座。潔配水仙王。朔吹雲初凍。寒

威慢屢張。紛紛飄瑞雪。恰恰慶農祥。巖岫青俱失。
樓臺玉盡裝。偶同煨紫芋。絕勝炙黃羊。石鼎聊搜
句。疲驢怕整韉。遙知迷磴道。靜聽折修篁。景物隨
時好。歡娛殊未央。小堂容偃蹇。中歲得徜徉。叩戶
惟騷客。開尊必酒狂。白鬚歌宛轉。長袖舞郎當。花
石連盆買。圖書插架藏。虚心友耆舊。析義在文章。
性緩逢迎拙。材庸出處妨。處囊慚脫穎。伏櫪愧騰
驥。洪暉已凋謝。昉思正叔
兩前輩毛徐頻喪亡。稚黃野君
兩先生竟同

違侶鴈。渾似失群鸞。因慕泖峰勝。來依谷水陽。長
途攜眷屬。小艫載巾箱。心賞入寥廓。煙波真渺茫。

待潮過斥埃。回首隔城隍。青虎前朝寺。虹光古井
旁。四三沙徑曲。千百箇簷簷。屋已數間足。園非五
畝荒。梵鐘宵隱隱。粥鼓曉鏜鏜。不負煙霞癖。仍瞻
佛日光。胡能離塵網。未解識津梁。更泛沙棠艇。迎
來髮鬢粧。他山期鷲鷲。別渚就鴛鴦。稚女偏多疾。
佳兒善病尪。三時勤藥裹。百計事祈禳。幻作虛無
想。旋成次第殤。篝燈情黯淡。擁髻淚淋浪。山鎖重
重恨。江迴寸寸腸。水程三日遠。鄉夢廿年彊。紙上
懷親串。毫端寄慨慷。先人松柏路。極目永相望。

戲為絡緯蟋蟀聯句五十韻 趙宏烈

曠矣清秋宇。欣茲羽翼成。絡緯寄形聊窟宅。稟氣
實豪英。蟋蟀露葉高張幄。風藤曳作纓。絡草根分
一滴。稿壤托三生。蟋頗有飛揚志。能無感慨鳴。絡
地卑多屬和。意密恐難明。蟋以我清風句。邀君急
節賡。絡不須嫌瑣碎。實恐辱彈抨。蟋憶本天雞系
曾窺織女簾。絡唐民深獎借。幽老最將迎。蟋也具
鬚眉體。常聯裙髻盟。絡夙身原善幻。尸解慣移名。
蟋腸共縲車轉。音連鐵馬鏗。絡衝冠寧避敵。嚼齒
必摧勅。蟋甘蒂依瓜蔓。高花得荳棚。絡微吟通賦
枕。細語近閨檠。蟋誰使兒童覺。難藏翅股輕。絡宵

聽耳盡側。曉覓跡還并。蟋已愧雕籠養。奚堪織手
擎。絡相皮論黑白。得雋別倉駢。蟋綠幘嬌爭寵。黃
裳淡可貞。絡英標蒙賜號。金注屢鏖兵。蟋浙浙依
蓮漏。珊珊集珮珩。絡分曹疑並壘。深閉儼重城。蟋
虛響徒反覆。趨工孰使令。絡雙栖常唧唧。獨處轉
怛怛。蟋貴豈釵頭鳳。憐殊架上鸚。絡後來還據上。
好鬪不常贏。蟋薄劣絲綸忝。淒涼竹肉轟。絡將軍
原易老。相府漫誇榮。蟋厭舊曾無主。翔飛豈遠翔。
絡久知愆督力。但願近柴荆。蟋膽怯簷牙鵲。心疑
屋角鼯。絡蛙喧休閤閤。蛇眼莫瞪瞪。蟋但得分餘

翳。何辭局瘦莖。絡悲歌終散夜。小憇或依晴。蟋緬
想堯堯侶。誰同籍籍聲。絡鑿坏非一族。負固那能
平。蟋文武惶分部。春秋蜚音屢呈。絡蜚螂丸可鄙。
渠略命旋傾。蟋螳斧空勞臂。蟬冠浪戴纓。絡玄黃
嗤蟻戰。南北笑蝸爭。蟋自哂稱娘子。何妨狎孺嬰。
絡終分入室煖。不害舉家清。蟋曾入無疑画。天机
寫最精。絡亦聞秋壑譜。物色妙堪程。蟋世重繭絲
吏。誰憐恤緯婢。絡寒衣思遠道。戰馬念連營。蟋緩
急調宮徵。呼號激癸庚。絡琴心徒自苦。賦草屬誰
評。蟋漸看銀河轉。遙窺珠斗橫。絡幽懷此一罄。未

惜到天明。蟋

前題

王之醇

涼飈收溽暑。大火忽西流。絡緯玉露滋瓜架。銀牀
 在井頭。蟋蟀應時同一響。相伴越三秋。絡斷續迴
 廊靜。淒清小院幽。蟋聲聲散寥泐。一一話綢繆。絡
 作意憐風月。相將樂唱酬。蟋偏催思婦懶。祇動旅
 人愁。絡應候殊難默。多言或被搜。蟋風疎千軸轉。
 月白萬絲抽。絡銳志藏煙砌。先聲報竹郵。蟋卑枝
 防隕墮。接葉任勾留。絡在野非秦贅。循牆類楚囚。
蟋頑童牽蔓引。稚女帶花兜。絡名豈紅鈴著。形分

金帶優。蟋偶然遭束縛。終得恣夷猶。絡振翅形還
 猛。撩鬚氣益遒。蟋曼聲誇翠幕。瘦影妬青樓。絡守
 土安雄技。登壇儼壯猷。蟋鳳釵渾易亂。鸚語巧難
 偷。絡足怒憑椎虎。牙銛想食牛。蟋炎涼嗟我換。風
 露許誰收。絡失敵愁餘子。全收傲五侯。蟋蟬玄殊
 不類。螢綠喜相投。絡按譜論青白。尋踪識勁柔。蟋
 暫停清枕簟。急響誤更籌。絡芟肉分香饌。蘆蟲進
 午羞。蟋影寒河似練。杼動月如鉤。絡寄跡青泥盎
 濡泉白石甌。蟋深閨添半臂。遠道索岑牟。絡秋壑
 曾專寵。王褒詠未休。蟋無慘嫌瑣屑。吹斷愛颼颼

絡博勝簪花帽。歡騰簇翠鞦。却增羅綺愛。翻笑
稻梁謀。化妬真無謂。呼雌亦有求。深深隱茨
蔓。晰晰遞衾稠。兔狡慙移窟。狐疑媿首丘。空
音徒咄咄。鼓腹判悠悠。往事思何綺。排場歷欲
周。畫成應慘澹。刻就費雕鏤。銀額聊為侶。金
鍾豈足侔。全生避鳩鵲。薄命惜蜉蝣。每入騷
人句。曾分壯士憂。時清稀簞策。夜靜叶篁篔。絡
僧磬沉遙寺。漁榔罷淺洲。未霜鴻影寂。報冷葉
聲稠。自合逢時序。非關起怨尤。眇躬何所托。
弱羽不堪修。小駐欣同調。驚飛恐寡儔。低低

星影沒。漠漠曉烟浮。歎息無衣客。開箱攬敝裘。
絡

曝書五十韻

姚培衷

求田爭不足。有書棄如遺。堪笑多田翁。反詆藏書
癡。搜奇乃日富。絕勝擁高貲。世人不訾省。試為一
暴之。人生天地內。不識亦不知。日星炳記載。始得
所維持。理義固根本。經訓為畚菑。正史鏡古昔。紀
事昭今茲。畜德識言行。論世在書詩。聲音出金石。
物類析毫釐。錦繡萬花谷。淹博五總龜。上下千百
載。大文燦若斯。群書觀卓犖。一得瑩宿疑。左圖併

右史不可須臾離。苟積一萬卷。何假百城爲。文林
作衣被。冊府足療飢。菽苑看竹素。紙稼力耘耔。流
傳及奕葉。家聲庶不墮。上世無長物。此爲祖德貽。
明季遭兵燹。藏籍率陵彘。搜括於既散。歷歷艱辛
垂。家尊廣龜集。過半擴始基。循陔辭秘省。林下長
棲遲。時停書畫舫。不惜還酒甌。留心廿餘載。淵海
容測蠡。四部與七略。編目森列眉。秘笈殊流派。細
不遺稊秭。籤題卷帙間。一一懸標褫。幾充文通棟。
將盈若水榭。重疊架白朮。緘封鎖葳蕤。往歲樓拆
毀。積石地窪卑。黃梅陰涪雨。縹碧易蒸徽。縱熏香

芸葉。詎若盛夏曦。曝以三伏日。七夕尚及期。瓦合
篇不亂。鱗比氣如炊。童子勞整妮。蟬蠹走如麾。完
者度高閣。破者付裝池。慙無佐治腹。曾下仲舒帷。

空庭日將落。晚涼生微颺。隱隱古香發。謾謾松風

吹。

家尊近輯松風
遺韻四十餘卷

坐煆不畏暑。手繙幾忘疲。南牕恣傲

兀。北牖亦紛披。料揀所未見。嘻嘻而怡怡。墨莊相

娛戲。即是消夏資。人知曝衣日。可知曝書時。曝書

莫不朽。曝衣徒留皮。我爲曝衣人。成此曝書詞。書

田勤種藝。樹德且日滋。善守誠弗鬻。世澤綿洪支。

伊彼如遺者。盍深三復思。

前題

徐南溟

士列四民首。農乃居其次。讀書與畊田。各不辭况
瘁。我家事畊讀。相傳十餘世。邇來生計拙。薄田蕪
不治。幸餘古本書。什襲在篋笥。豈真有瑰竒。據為
枕中秘。六經載大道。人人固習肄。諸史廣見聞。百
家考同異。凡屬舊所傳。一一無可棄。傳世既已久。
收藏良不易。家君素好古。書外別無嗜。有時如王
充。閱書洛陽肆。有時如公垂。挾書竟走廁。讀易笑
陸澄。不能解其義。讀史追邢邵。五日即遍記。煩言
與碎辭。分文還析字。著述稽姓名。紙墨辨真偽。雪

窻螢案間。趺坐若定位。謹守過半生。惟恐或失隊。
更復廣搜羅。充棟漸可致。平居常語溟。多財必損
智。我今何所有。遺汝書數匱。殊勝韋玄成。僅以一
經遺。汝能共晨夕。庶幾多所識。溟也奉斯語。侍側
不遠離。沐浴編簡中。不覺心已醉。經史與子集。懸
籤別其類。幽棲寂無為。是亦興所寄。春夏陰雨多。
潤生衣及被。往往趁赫曦。長竿標犢鼻。牀頭卷帙
繁。未遑一省視。昨從郊外行。秋陽尚隆熾。農家穀
堆場。相與誇櫛比。我室如懸罄。本無穀可曬。惟書
為世守。珍重比宗器。所患防維疎。致供蠹魚食。何

異連州人。以鹽壞文粹。努力曝諸庭。安敢憚勞勩。
呼童薙青草。先時事掃箒。去彼塵與垢。使我指與
臂。移几向空階。布席在平地。一任風卷舒。勿教水
沾漬。左右各陳設。高下若軒輊。滿目盡縹緗。其富
傲千駟。古香馥醇生。箇中有真意。所幸半日忙。曾
無一客至。家君顧之喜。溟亦願從事。拮据忽忘疲。
摩挲未肯置。以是承親歡。聊當斑衣戲。南面雖云
樂。此樂休妄覲。

于野集卷八



